



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Epitome In Qvatro Lib. Sententiarvm M. Petri Lombardi**

**Spina, Claudius de**

**Parisiis, 1551**

43. de quantitate omnipotentiae Dei.

**urn:nbn:de:hbz:466:1-38840**

non negat eum posse ea etiam quæ nō vult: sed aduersus illos qui dicebant Deum multa velle quæ non poterat: affirmat eum posse quicquid vult, & ex eo verè dici omnipotentē, non ob aliud, quàm quia potest quicquid vult, scilicet ex se & per se. Sed fortè dices: Nec Dei Filius potest à se, nec Spiritus sanctus, sed solus Pater. ille enim potest à se, qui est à se, &c. Dicendum quòd licet Filius non possit à se, nec operetur à se: potest tamen & operatur per se. sic & Spiritus sanctus. Nō ergo verè & propriè dicitur Deus omnipotēs: quia per se, id est naturali potētia potest quicquid vult fieri, & quicquid vult se posse. Nihil enim vult fieri, quod non possit se facere per se vel per creaturas. Et nihil vult se posse quod non possit: & omne quod vult fieri, vult se posse: sed non omne quod vult se posse, vult fieri: si enim vellet, fieret: quum voluntati eius nihil resistere possit.

*Quid omnipotens.*

DE QUANTITATE  
Omnipotentia Dei.

DISTINCT. Quadragesimæ quintæ.  
CAP. Vnicum.

*Deus potest alia & plura facere, & quæ facit omittere.*

**Q**uidam de sensu suo gloriantes, Dei potentiam sub mensura coarctare

conati sunt, dicentes: Non potest Deus aliud  
 facere quàm facit: nec meli<sup>9</sup> facere id quod  
 facit: nec aliquid prætermittere de iis quæ  
 facit. Hanc opinionē muniunt argumen- *Opinio*  
 tis, dicentes: Primò, Deus non potest face- *Primæ ratio.*  
 re nisi quod bonum & iustum est fieri. non  
 est autem bonum nec iustum fieri ab eo, ni-  
 si quod facit. Si enim aliud iustum est & bo-  
 num eum facere quàm facit, non ergo facit  
 omne quod iustum & bonum est eum face-  
 re. Sed quis audeat hoc dicere? non ergo  
 potest facere, nisi quod facit. & sic limitatur  
 eius potentia. Addunt etiam: Deus non *Secundæ*  
 potest facere nisi quod eius exigit iustitia: *ratio.*  
 sed iustitia non exigit, nisi quod facit: igitur  
 &c. His respondemus, dicentes istas propo-  
 sitiones duplicem habere sensum: Vno modo  
 sic: Non potest Deus facere, nisi quod bo-  
 num & iustum est: id est, non potest facere  
 nisi illud, quod si faceret, iustum & bonum  
 esset. & tunc verum est. Ad illud autem *Responsio*  
 quod dicitur, Non potest facere nisi quod  
 sua exigit iustitia, Primò dicitur quòd ver-  
 bum exactiōnis non cōgruè dicitur de Deo.  
 Secundò, duplex est sensus illius: Primò, Nō  
 potest Deus, nisi, &c. id est, nisi quod volun-  
 tas sua iusta vult. & sic falsum est. Multa e-  
 nim potest per potentiam, quæ non potest  
 per iusticiam, vt dicit Aug. in Gen. 19. Secun-  
 dò, si intelligas non posse eum facere nisi il-

3  
 Iud, quod si fieret, iusticiæ eius conueniret, verum dicis. Addunt. 3. Non potest facere Deus nisi quod debet. non debet autē facere nisi quod facit. Si enim debet alia facere, non ergo facit omne quod debet, &c. Sed dicendum q̄ verbum illud, debet, Deo non competit, qui non est debitor nobis, nisi forte ex promisso. Nos verò debitores ei sumus ex cōmisso. His & sanctorum testimonia adnectunt. Dicit enim Augu. lib. i. de Symb. Hoc solū Deus nō potest quod nō vult. Per quod videtur non posse facere aliquid nisi quod vult. sed non vult nisi quod facit. & ita videtur non posse nisi quod facit. Sed illud ita intelligendū est: Id solū non potest Deus quod non vult, scil. se posse. In quo sensu intellige & illud qđ idem Aug. dicit. 7. lib. Cōfess. Nec cogaris inuitus ad aliquid: quia voluntas tua non est maior quàm potentia. Cap. i.

Fateamur itaque Deum plura posse facere quæ non vult, & posse dimittere quæ facit. Quod vt certius firmiúsq; teneatur, scripturæ testimoniis asseramus Deū plura posse facere quā facit. Veritas ipsa apud Matth. ait: An putas quia non possum rogare Patrem meum, & exhibebit, &c. Poterat ergo Filius rogare quod nō rogabat, & Pater exhibere quod non exhibebat. Vterq; ergo poterat facere quæ non faciebat. Quem locū Scripturæ ad id astruendū adducit Augu. in Ca. 95. Matt. 26.

Cap. 7 Enchir. idem in lib. de Nat. & Grat. Dominus Lazarum suscitavit in corpore: nunquid dicendum est, Nō potuit Iudam suscitare in mente? Potuit quidem, sed noluit. Etiam ratione probari potest. Non enim vult Deus omnes homines iustificare: & tamē quis dubitat eum posse? &c.

R. 78. b.

DE QUALITATE  
Potentiæ Dei.

DISTINCT. 44. CAP. Primum.

*Potest Deus res meliores facere  
quàm fecerit.*

50. *quest.* Solent præfati dicere, quòd ea quæ facit Deus, non potest meliora facere. Quia si posset facere & non faceret, invidus esset, & nō summè bonus. & hoc ex simili adstruere conatur. Ait enim Aug. lib. 83. *quest.* Deus quē genuit, quoniā meliorē se generare nō potuit (nihil enim Deo melius) debuit æqualē. Si enim voluit & nō potuit, infirmus est: Si autē potuit & noluit, invidus, &c. Sed non valet huius similitudinis inductio: quia Filium genuit de substantia sua. Ideo si posset generare sibi æqualem, & non gigneret, invidus esset. Alia verò quæ non de substantia sua facit, meliora facere potest. Ideo probatur quod meliorē rem possit facere quàm fecerit. Nam si nō posset, hoc ideo esset, quia creatura est summè bona. quod falsum est,

L ij